

羅捷達摩等世於佛所說歡喜奉行

佛華嚴入如來德智不思議境界經
陀王樂切樂音和商音齊

二經同卷

伏八

大方廣入如來智德不思議經

大方廣佛華嚴經修慈分

大方廣入如來智德不思議經

唐于闐三藏法師實叉難陀譯

如是我聞一時佛在摩竭提國寂滅道場普

云如

光明殿無量功德之所集起見者靡不生大
喜樂永離一切輕毀之心佛於其中坐寶蓮
華師子之座證淨等覺所行無二住佛所住
悉與一切諸佛平等到無障礙不退轉法一
切所行無能制伏常作佛事未曾休息體法
無相住不思議三昧所生了無差別其身充

遍一切世界智達諸法常無迷惑覺一切行
斷諸疑網其身微妙不可分別到無二智究
竟彼岸為諸菩薩之所宗仰住無差別如來
解脫入無中邊佛平等地通達一切虛空法
界窮未來劫常轉法輪與大比丘眾六十二
億人俱皆悉了達諸法實相自性平等猶如
虛空無所依著永離一切煩惱蓋纏一切如
來智慧方便皆能隨入於一法中了一切法
無分別智常現在前常勤修習趣種智道心
無退轉皆已成就到彼岸智隨一切境所行
方便無不具足其名曰舍利弗大目犍連摩
訶迦旃延摩訶迦葉那提迦葉伽耶迦葉摩
訶劫賓那難婆多阿菟樓駄須菩提富樓那
彌多羅尼子憍梵波提周利槃陀財力士子
佉陀羅商主准陀摩訶俱絺羅難陀羅睺羅
阿難如是等諸大弟子而為上首復與六十
億比丘尼俱皆已久集清淨白法近佛種智
子達方便證一切法無性無相安住實際解

一切法無生無滅無所除斷住不思議解脫三昧隨諸衆生應可調伏示現種種威儀色相而於其中無所分別其名曰摩訶波闍波提及耶輸陀羅而爲上首

復與十佛刹不可說百千億那由他微塵等菩薩摩訶薩俱皆是一生補處從餘方界來集於此盡能普入十方世界得涅槃道善方便智安住菩薩觀察成熟一切衆生方便法門攝諸衆生令斷一切戲論執取了達諸法無邊無中知諸衆生善惡業果皆不可得亦不失壞又能究其意樂煩惱諸根所行具持三世如來所說諸法句義無有忘失通達

伏六

二

云

一切有爲無爲世出世法成就三世諸佛智輪於念念中現天宮沒受生出家修行苦行詣菩提樹降魔成佛轉正法輪般涅槃相常不厭捨一切衆生覺悟令發大菩提心能於一衆生心所緣境入一切衆生心所緣境成就自然智而受菩薩身一切智行未曾退轉

雖常修習而無所作能無量劫爲一衆生住世說法護持法藏紹諸佛種於無佛處現佛出世如衆生數示成正覺得加趺坐充滿十方圓滿大智嚴淨一切雜穢國土滅除一切菩薩業障虛空法界一切功德皆悉具足證法實際無所障礙得一切法平等智印印知

諸法自性平等所見所聞如影如響生不思議解脫三昧自在遊戲首楞嚴定成就出生諸佛相好陀羅尼門具三世佛清淨行願成就普賢殊勝意樂諸佛出世咸詣其所恭敬勸請於一毛道中現一切世界於一毛道中現於十方始從下生乃至最後般涅槃相以

十方一切諸佛衆會現一佛衆會以一佛衆會現十方一切諸佛衆會現十方界入自身中於自身中現一切衆生身隨爲演說無量法要現一切佛身入一佛身以一佛身入一切佛身於一衆生身現無量衆生身於一切衆生身現一衆生身於一生身現三世生身

伏八

三

云

三世人身現一生身現過去世入未來世以未來世入過去世以過去世入現在世以現在世入過去世於一身中入深禪定於無量無數身起無量無數身入深禪定於一身起於一佛身現一切衆生身一切衆生身現一佛身於衆生身現淨法身於淨法身現衆生身以一佛刹及莊嚴事現一切淨刹以一切佛刹及莊嚴事現一淨刹以十方界入一毛孔爲諸衆生顯示一切諸佛願力普於十方隨可化變爲現無上正等菩提於無數劫一世界行菩薩行而無休息於一微塵容納無邊不可稱量算數世界今諸衆生無所迫窄從無量不思議劫爲一須臾演一須臾爲無量不思議劫一刹那中普於十方一切世界隨諸衆生卵生胎生濕生化生有形無形有色無色無足二足四足多足天龍夜叉乾闥婆阿脩羅迦樓羅緊那羅摩睺羅伽釋梵護世人非人等應可調伏爲現種種威儀所

行而其身心無分別用斯諸菩薩皆得如是善巧方便及餘無量阿僧祇功德其名曰普賢菩薩普眼菩薩普化菩薩普慧菩薩普目菩薩普光菩薩普明菩薩普照菩薩普幢菩薩普覺菩薩大速疾菩薩大速疾持菩薩大神變菩薩大神變王菩薩大精進菩薩大勇健菩薩大奮迅菩薩大奮迅力菩薩大衆主菩薩大香象菩薩大月菩薩妙月菩薩功德月菩薩寶月菩薩普月菩薩法無垢月菩薩毗盧遮那月菩薩名冊月菩薩光明月菩薩滿月菩薩梵音菩薩梵主雷音菩薩地音菩薩法界音菩薩破一切魔音菩薩震法鼓音菩薩普覺音菩薩無分別音菩薩地上音菩薩蔽一切聲音菩薩平等藏菩薩離垢藏菩薩功德藏菩薩光明藏菩薩寶藏菩薩月藏菩薩日藏菩薩日生藏菩薩蓮華藏菩薩慧藏菩薩大慧菩薩勝慧菩薩名稱慧菩薩無上慧菩薩增長慧菩薩無量慧菩薩廣慧菩薩

伏

四

云

薩佛慧菩薩無盡慧菩薩海慧菩薩彌樓燈
菩薩大燈菩薩法燈菩薩照十方燈菩薩普
燈菩薩破一切闇燈菩薩照一切處燈菩薩
決定照燈菩薩月燈菩薩日燈菩薩文殊師
利菩薩觀世音菩薩大勢至菩薩金剛藏菩
薩功德藏菩薩離惡趣菩薩藥王菩薩藥上
菩薩雷音菩薩華首菩薩日光菩薩離垢勇
猛菩薩金剛慧菩薩滅諸蓋菩薩降魔菩薩
寶髻菩薩千光菩薩降伏大魔菩薩難見菩
薩難伏菩薩難量菩薩勝智菩薩滅惡趣菩
薩彌勒菩薩如是等菩薩摩訶薩而爲上首
復有無量不可思議不可稱量天龍夜叉乾
闥婆阿脩羅迦樓羅緊那羅摩睺羅伽釋梵
護世皆從十方佛剎來集時此世界復有百
億六欲諸天魔王太子商主爲首與無量諸
天眷屬俱詣佛所爲見如來禮拜供養聽受
法故復有百億大梵天王乃至百億色究竟
天魔醯首羅而爲上首亦與無量諸天眷屬

俱詣佛所爲見如來禮拜供養聽受法故復
有百億八部王衆及無量人非人優婆塞優
婆夷等各與眷屬俱詣佛所爲見如來禮拜
供養聽受法故復有一切草木叢林諸藥神
等及彌樓山摩訶彌樓山目真隣陀山摩訶
目真隣陀山雪山鐵圍山等一切山神河海
伏六
陂池國邑聚落所有諸神并八部衆諸宮殿
神亦與眷屬俱詣佛所爲見如來禮拜供養
聽受法故復有百億日月諸天及阿那婆達
多龍王各與無量眷屬圍遶俱詣佛所爲見
如來禮拜供養聽受法故是諸大衆以佛神
力不相障礙無有迫隘尔時世尊光明顯照
蔽於衆會猶如白月十五日滿淨除雲翳光
明顯照映蔽衆星亦如須彌山王安住不動
如來光明普蔽一切釋梵諸天高顯特尊亦
復如是尔時文殊師利童子告滅諸蓋菩薩
言如來今者安住於此身不動搖汝知之乎
彼即荅言文殊師利如來今者雖在此會安

性不動有諸天人或見出家修行苦行或見
住詣菩提樹下安處道場降伏魔怨成等正
覺諸天龍王夜叉乾闥婆阿脩羅迦樓羅緊
那羅摩睺羅伽釋梵護世咸共讚言善哉大
師能勝怨敵或見釋梵護世諸天勸請說法
或見爲其說布施法或見爲說持戒忍辱精

進禪定智慧方便力願智法或見爲說聲聞
乘法或見爲說獨覺乘法或見爲說無上乘
法或見爲說畜生餓鬼閻摩羅界四天王天
三十三天乃至梵宮受生等法或見爲說生
人趣法或見爲說生轉輪王法又文殊師利
於此衆中或見如來身高一尋或一俱盧或
二俱盧或半由旬或一由旬或二由旬或十
由旬或百或千或萬由旬或見五萬十萬百
萬或五百萬乃至或見超過一切數量由旬
或見佛身作真金色或琉璃色或帝青摩尼
色或大青摩尼色或光明摩尼色或紅蓮華
摩尼色或釋迦毗楞伽摩尼色或金剛光明

摩尼色或天光摩尼色或日月光摩尼色或
水精摩尼色或頗黎摩尼色或自在王摩尼
色或集衆光摩尼色或師子鬚摩尼色或師
子幢摩尼色或海住淨光摩尼色或如意摩
尼色隨諸衆生應見如來是衆色相而調伏
者所見各殊隨聞如來爲說何法而成熟者

伏八

大

云

所聞各異隨依何教而修行者各如說行皆
得成就文殊師利設於十方無量不思議不
可稱量世界滿中天龍夜叉乾闥婆阿脩羅
迦樓羅緊那羅摩睺羅伽釋梵護世人非人
等猶如竹林甘蔗胡麻若諸衆生應見如來
而謂伏者見佛色相各各不同面向其前一
尋而住爲其說法如說修行皆得成就如來
雖作如是衆事自然應現而無分別文殊師
利如滿月輪夜半之時間淨提中一切衆生
各見月輪在其前現是月未曾作念分別令
諸衆生各覩我現法亦而有如是事起如來
亦亦雖復普現諸衆生前亦不分別令諸衆

生皆得見我現前而住但隨衆生可調伏者各自見佛現在其前何以故隨應衆生不共法故文殊師利如一切衆生由上中下業果力故所作諸行亦有三品而是諸行終不自生三種分別但由業故自然有是上中下品諸行事起如來亦亦由諸衆生業果力故各

自見佛如來亦無上中下念自然應現如是等事文殊師利如淨頗梨置諸衣上作種種色若在黃衣便作黃色在青亦衣作青赤色隨其所置雖作彼色是淨頗梨終無分別如來亦亦由衆生感作種種色若諸衆生應見金色而調伏者便見金色若有應見瑠璃真

伏八

七

云

珠帝青大青集衆光摩尼海住淨光摩尼師子鬚摩尼師子幢摩尼電燈摩尼水清摩尼是諸寶色而調伏者便見如來作如是等衆寶色相或有應以釋梵護世而調伏者便見釋梵護世色相如是乃至應以地獄餓鬼畜生閻羅王處色無色界卵生胎生濕生化生

有色無色有想無想非有想非無想隨何趣生威儀色相而調伏者則見如來作如是等種種色相然佛未曾分別念言今此衆生唯見金色莫見瑠璃唯見瑠璃莫見帝青如是乃至唯見師子鬚摩尼莫見師子幢摩尼色雖無如是異念分別隨一切處自然有是諸色相現文殊師利譬如出生自在摩尼王處不生諸鐵是摩尼王終不念言今彼寶處但生於我莫生於鐵然其實處鐵自不生如來所生刹土亦亦自無一切外道異論諸惡賊亂五無間罪十不善業非法王教亦無一切日月諸天及摩尼寶火電等光及以須臾日月歲數除佛變現化諸衆生雖有所現而無分別由衆生故自然有是種種事起文殊師利譬如大青摩尼寶光觸者皆作大青寶色而寶然無異念分別如來亦亦觸佛作意所緣光者靡不皆成一切智色然佛亦無異念分別自然有如是事起文殊師利如善磨瑩

大瑠璃寶隨於其邊安置種種手足頭頸衆莊嚴具以寶威力彼莊嚴具莫不明顯如來亦尔隨其所行威儀住處有信行者以佛威力令其所行皆自增勝然佛未曾動念分別自然而有如是事起文殊師利如衆卉木依地而住各得增長然地了無種種分別如來

亦尔令諸衆生一切善根依如來住各得增長而實曾無異念分別自然而有如是事起文殊師利譬如大雲普覆一切草木叢林等注甘雨隨一味水所及之處令諸草木皆得增長種種色味差別不同彼雲未曾有所分別自然有是種種相異如來亦尔興正覺雲伏八

遍覆一切隨諸衆生先所積集種種善根種種願樂種種信解種種解脫等注法雨令諸衆生一切善根隨其勢力各得增長如來亦不分別念言我當令是衆生善根生聲聞智我當令是衆生善根生獨覺智我當令是衆生善根生如來智我當令是衆生善根生四

天王天三十三天如是乃至淨居等天我當令是衆生善根得作國王及與人中種種生處然佛雖無種種分別隨諸衆生所集善根願樂等力自然有是種種事起由佛已捨一切處著無分別故文殊師利如日纔現放無量億百千光明破闇浮提一切黑闇是日雖

復不分別言我當破闇自然而有破闇事生如來日輪亦復如是出世間已放無量億智慧光明滅除世間諸見黑闇除佛威力示現成熟諸衆生者如來雖不分別念言今衆生見現破當破於一切處自然有此種種事起由佛已捨一切處著無分別故文殊師利譬

如幻師幻作衆像雖有種種形類不同幻無分別不可稱說無起無盡無字無聲無有方所無體無相不可思議無二無行無等無對但由幻師現是衆相如來亦尔由衆生故入於種種威儀行處一切皆見然實如來不可稱說無起無盡無字無聲無有方所無性無

伏八

九

相無二無行等真法界非可觸對文殊師利
譬如日映須彌山故四洲衆生或見初出或
見日中或見漸暮或見初沒或見夜半或見
漸曙但一日輪隨四天下諸衆生見各各不
同日無分別但由山蔽自然四洲所見各異
如來亦介於一衆會或見如來將成正覺已
成正覺將入涅槃已入涅槃或見成佛已經
十年乃至已經不可說劫或見涅槃已經十
年乃至已經百千億劫或見如來一十二
或四十年在世說法或見法住或見法滅然
佛曾無異念分別由衆生故自然有是種種
事起文殊師利譬如大風吹閻浮提一切草
木枝葉紛亂東西南北或靡或起草木終無
種種分別但由風故種種相生如來亦介常
無分別由衆生力於念念中見有如是無量
衆行威儀相起乃至作意緣諸衆生今介所
劫得斷地獄畜生餓鬼閻羅等趣文殊師利
如來成就如是無量微妙功德文殊師利如

來作意一念所緣諸大菩薩無量百千那由
他劫住不思議解脫三昧不能知其功德邊
際文殊師利譬如日輪從大海出生虛空中
放無量億那由他光遍照一切城邑聚落破
大黑闇銷涸滄池增長一切草木叢林悉令
成熟發起一切所作事業光影普入諸河池
中而常未曾離於本處是日雖無種種分別
自然而有是等事現如來亦介出諸有海住
法虛空放無量億智慧光明遍照十方一切
世界滅諸衆生無明翳膜枯竭一切煩惱濁
流令諸衆生善根福慧增長成熟雖同一時
現是衆事亦常湛然本處不動由佛已離念
想分別自然應現是諸相故

文殊師利若有善男子善女人於恒河沙劫
以天上味及天妙衣施十方界微塵等一切
諸佛及聲聞衆彼佛滅後爲一一佛遍滿十
方一一世界造十方界微塵等塔其塔皆是
閻浮檀金電光摩尼互相間錯集衆光寶周

伏八

十

云

爲欄楯寶幢遐建寶鈴流響蛇衛旃檀以爲
塗香覆以自在摩尼王網其上復有天寶蓋
雲寶幡幢雲妙華香雲摩尼王雲如意珠雲
徘徊散空滿三千界日日三時如是供養經
恒沙劫兼復教化無數衆生如是供養不如
有人聞此入如來智德不思議境界法門心

生信解其福過彼無量阿僧祇文殊師利若
有菩薩信解此法則速成滿菩薩摩訶薩無
量億那由他諸波羅蜜證入無量億那由他
地背捨無量億那由他生死了知無量億那
由他諸佛神通破無量阿僧祇我慢山倒無
量阿僧祇慳嫉幢竭無量阿僧祇愛河渡無
量阿僧祇生死海斷無量阿僧祇魔網掩蔽
一切日月釋梵護世威光從一佛刹至一佛
刹能救地獄餓鬼畜生閻羅王界諸苦衆生
常得親近諸佛菩薩具足成就海印三昧持
一切法三昧法自在三昧諸相莊嚴三昧寶
生三昧安樂三昧蓮華莊嚴三昧虛空藏三

昧隨入世間三昧妙法華三昧境界自在三
昧大奮迅三昧虛空心三昧師子奮迅三昧
日燈三昧無量旋三昧住住露三昧金剛幢
三昧如金剛三昧金剛齊三昧地持三昧須
彌燈三昧須彌幢三昧寶藏三昧心自在三
昧一切衆生心自在三昧增長一切行三昧

伏八

十一

云

深密方便三昧種種辯才三昧無能見三昧
了諸法三昧遊戲三昧出生一切神通三昧
降魔三昧現一切色相三昧一切色最勝三
昧觀身三昧具一切行三昧智燈三昧菩提
光三昧樂說辯才三昧入一切功德三昧說
諸法實相三昧寂靜神通三昧首楞嚴三昧
海潮三昧又得無量佛身相陀羅尼大智陀
羅尼淨音陀羅尼無盡箇陀羅尼無量旋陀
羅尼海印陀羅尼入決定辯才陀羅尼諸佛
住持陀羅尼又得隨順一切衆生殊勝行一
切法無師智斷一切法疑得佛神通具菩薩
行善巧方便文殊師利譬如須彌山王高顯

秀麗映蔽餘山菩薩信解此法門者功德嚴淨蔽諸衆生一切善根亦復如是

尔時文殊師利告滅諸蓋菩薩言佛子復更有餘勝法若諸菩薩能信解者便得成就餘勝功德滅諸蓋菩薩聞是說已復白文殊師利言若有菩薩信解五法則能除此勝法得

餘無量殊勝功德何等爲五一者信解一切諸法不生不滅不可稱說無比無對二者信解如來無功用無分別入過閻浮提微塵等威儀行處刹那刹那常起不絕三者信解釋迦如來往昔教化蘇陀婆王但爲成熟諸衆生故然實已於恒河沙劫久成正覺四者信

解釋迦如來示然燈佛授記已來乃至成佛於是中間修菩薩行而實已於無量劫來成等正覺住佛境界五者信解釋迦如來現託王宮釋種被害但爲成熟諸衆生故而實已於無量劫來成等正覺文殊師利菩薩若能於此五種生信解者則能除此勝法更得成

就餘勝功德文殊師利若善男子善女人於恒河沙劫日日以天百味飲食及天妙衣施十方界微塵等諸阿羅漢具六神通八解脫者所得功德不如有人於一日中但以飲食施一獨覺其福勝彼阿僧祇倍又文殊師利若善男子善女人遍十方界爲阿僧祇辟支

快八

十二

云

佛等造十方界微塵等精舍一一皆以閻浮檀金所成摩尼爲柱階陛欄楯樓閣戶牖咸以衆寶種種莊嚴施大寶帳塗妙栴檀日日以天百味飲食及天妙衣恭敬供養於恒沙劫不如有人或聞佛名或世尊名或如來名或一切智名所得功德復過於彼阿僧祇倍況以絲畫或以泥素作如來像觀見之者福又過彼阿僧祇倍況以燈油香華伎樂種種供養福又過彼阿僧祇倍何況有能於佛法中下至一日護持一戒福轉過彼阿僧祇倍文殊師利若有善男子善女人於恒河沙劫日日以天百味飲食及天妙衣供十方界微

塵等諸佛菩薩及聲聞衆諸佛滅後一一皆起十方界微塵等塔一一塔量遍四天下形製奇妙衆寶莊嚴幡蓋伎樂諸供養雲逾勝於前雖諸功德皆悉具足未能信解此法門者不如有人能信解是入如來智德不思議境界法門乃至以一搏食施於畜生其福過彼阿僧祇倍文殊師利若有菩薩信解此經如其所說供養諸佛有餘菩薩聞已歡喜生淨信心從座而起合掌作禮隨其所堪修行供養福又過彼阿僧祇倍是人不久得佛智故說是經時彼諸比丘及菩薩衆一切出間天人阿脩羅等歡喜信受作禮奉行

伏八

十二

云

大方廣入如來智德不思議經